



# WHAKATŪPATO PŪKORO OHOTATA

Haere ki [getready.govt.nz](https://getready.govt.nz) ki te tiro  
mēnā kei te hototahi tō waea.

Mēnā kei te noho mōrearea tō ora, hauora, ō rawa rānei, ka taea tētahi Whakatūpato Pūkoro Ohotata (Emergency Mobile Alert) te tuku atu ki tō waea pūkoro.

He karere te Whakatūpato Pūkoro Ohotata ka tukuna ki tō waea pūkoro e tētahi tari whai mana. He kaha te tangi hei whakamōhio i a koe.

## Ka aha mēnā ka whiwhi au i tētahi Whakatūpato Pūkoro Ohotata?

Whakamutua ō mahi ka whai i ngā tohutohu.

E tukuna anake ngā karere te Whakatūpato Pūkoro Ohotata:

- mēnā e tino mōrearea ana te ora, hauora, rawa rānei; tērā rānei
- ko te wā kotahi, e rua ngā wā rānei i te tau hei whakamātautau.

Ki te whiwhi koe i tētahi matohi, me aro mai ka whai i ngā tohutohu.

Ehara i te mea ka taea e ngā waea katoa te whiwhi Whakatūpato Pūkoro Ohotata, nō reira ki te whiwhi whakatūpato koe, me whakamōhio atu ki ētahi atu.

## Me rēhita ahau ki te whiwhi Whakatūpato Pūkoro Ohotata?

Kāore koe e mate ki te rēhita, ki te tikiake rānei i tētahi taupānga. E hāngai ana ngā whakatūpato ki ngā wāhi whai pānga, nō reira ka whiwhi anake koe mēnā he ohotata kei tō takiwā.

Mēnā kei te kā tō waea, ka taea te whiwhi, ā, kei roto i te wāhi hāngai, ko te tikanga ka whiwhi koe. Ka taea e koe te rapu mēnā ka taea e koe tō waea te whiwhi whakatūpato i [getready.govt.nz](https://getready.govt.nz).

## Ko wai ngā mea ka taea te tuku Whakatūpato Pūkoro Ohotata?

Ka taea anake ngā karere Whakatūpato Pūkoro Ohotata te tuku e:

- Te Rākau Whakamarumarū
- Ngā Rōpū o Te Rākau Whakamarumarū
- Ngā Pirihimana o Aotearoa
- Whakaratonga Iwi
- Te Manatū Hauora, me
- Te Manatū Ahumatua.

## Kāore te Whakatūpato Pūkoro Ohotata i te whakakapi i ētahi atu hongere

He hongere **tāpiri** anake te Whakatūpato Pūkoro Ohotata kia noho haumarū koe, mōhio hoki, i roto i tētahi ohotata. Kāore ngā whakatūpato i te whakakapi i ētahi atu pūnaha whakatūpato, te tahuri rānei ki tētahi mahi i muri i ngā whakatūpato noa.

## NGĀ TIKANGA KIA NOHO MŌHIO TONU



Pouaka whakaata



Reo irirangi



Pāpāho Pāpori



Ipurangi




Matohi Waea Pūkoro Ohotata

Me noho takatū tonu koe mō tētahi ohotata, ā, kua koe e tatari ki te whiwhi i tētahi whakatūpato i mua i te kōkiritanga. Ki ō whakaaro kei te noho mōrearea koe, kua e tatari mō tētahi whakatūpato ōkawa. Kōkiritia ināianei tonu.

Me whai wā koe ki te waihanga i tāu ake mahere ohotata e whai ana i ngā mahi hei whai, me haere ki hea, mā wai koe e āwhina, ā, ko wai ka hiahia i tō āwhina. Ka taea e koe tētahi mahere te hanga tuihono i [getready.govt.nz](https://getready.govt.nz).

## He pēhea te mahi a te Whakatūpato Pūkoro Ohotata?



1. Ka whakaritea e te tari whai mana te wāhi whai pānga me te waihanga whakatūpato.
2. Ka whakapāhotia te whakatūpato mai i ngā pourewa irirangi hāngai.
3. Ka whiwhi ngā waea pūkoro i te whakatūpato.

Whakamahia ai e te Whakatūpato Pūkoro Ohotata tētahi irirangi tauwhāiti, nō reira he tōtika ake ina pā mai he ohotata ina pokea ai pea te whatunga e ngā ikiiki waea pūkoro me te ipurangi.

Kāore he aha ahakoa kei tēhea whatunga koe. Ka whiwhi ngā waea e uru atu ki te wāhi i te wā pāhotanga i te whakatūpato.

## Ka taea e au te puta atu i ngā Whakatūpato Pūkoro Ohotata?

I te mea ko te kaupapa o te Whakatūpato Pūkoro Ohotata he tiaki i a koe, kāore e taea e koe ngā Whakatūpato Pūkoro Ohotata te aukati. Ehara i te mea ka hāngai ngā whakatūpato ki ētahi waea tauwhāiti, engari ka whakapāhotia ki tētahi takiwā e noho mōrea ana. Kāore e whakamahia e te Whakatūpato Pūkoro Ohotata tō tau waea pūkoro, e kōhi mōhiohio rānei mōu.

Mō ētahi atu mōhiohio mō te Whakatūpato Pūkoro Ohotata, haere ki [getready.govt.nz](https://getready.govt.nz)